

KESAN GAJET KEPADA KANAK-KANAK
10 Safar 1443H/17 September 2021

الْحَمْدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ وَنَعُوذُ بِاللَّهِ مِنْ شُرُورِ أَنْفُسِنَا وَمِنْ سَيِّئَاتِ
أَعْمَالِنَا مَنْ يَهْدِهِ اللَّهُ فَلَا مُضِلَّ لَهُ وَمَنْ يَضِلَّ فَلَا هَادِيَ لَهُ.
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أُوصِيكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ.

Marilah kita bersama-sama meningkatkan ketakwaan kepada Allah Subhanahu wa-Ta'ala dengan melaksanakan segala perintah dan meninggalkan segala larangan-Nya. Mudah-mudahan kita diberkati Allah di dunia dan akhirat.

Sidang Jumaat yang dirahmati Allah Subhanahu wa Taala,

Pandemik Covid-19 telah banyak mengubah cara hidup manusia. Antara cabaran utama ialah kita semakin banyak menghabiskan masa di hadapan gajet, kerana keperluan kerja dan pembelajaran.

Sebelum Covid-19, Kajian Tanda Aras Kesedaran Keselamatan Siber melaporkan 45 peratus kanak-kanak berumur 7 hingga 9 tahun sudah mahir menggunakan internet. Sementara lebih 92% kanak-kanak dan remaja berumur

hingga 17 tahun, telah menjadi pengguna internet tegar. Sekarang, sudah pasti bilangan ini meningkat dan membimbangkan.

Sidang Jumaat yang dirahmati Allah Subhanahu wa Taala,

Sesungguhnya, menghabiskan banyak masa di hadapan skrin telefon bimbit, tablet atau komputer, mengundang banyak kesan negatif, khasnya buat kanak-kanak. Antaranya kanak-kanak boleh terdedah kepada kandungan ideologi sesat, ganas dan lucu, yang boleh merosakkan akhlak dan meracuni pemikiran mereka. Selain itu, mereka boleh menjadi mangsa buli siber, yang akhirnya merendahkan moral dan semangat mereka di alam sebenar. Pakar kesihatan juga mengesahkan peningkatan masalah akibat ketagihan gajet, seperti kegagalan untuk bercampur dengan masyarakat, rabun, penyakit mental dan lain-lain. Paling membimbangkan, ialah apabila remaja kita sudah mula tidak beradab dan tidak tahu bergaul sehingga menggunakan handphone ketika khutbah sedang disampaikan. Kajian pakar juga mendapati, ketagihan gajet, akan menyebabkan anak-anak mudah hilang fokus dalam pembelajaran. Ingatlah firman Allah Subhanahu wa Taala dalam Surah Luqman ayat 6:

أَعُوذُ بِاللَّهِ مِنَ الشَّيْطَانِ الرَّجِيمِ

وَمِنَ النَّاسِ مَنْ يَشْتَرِي لَهْوَ الْحَدِيثِ لِيُضِلَّ عَنْ سَبِيلِ اللَّهِ بِغَيْرِ عِلْمٍ

وَيَتَّخِذَهَا هُزُوًا أُولَٰئِكَ لَهُمْ عَذَابٌ مُّهِينٌ ﴿٦﴾

Yang bermaksud: *Dan ada di antara manusia: orang yang memilih serta membelanjakan hartanya kepada cerita-cerita dan perkara-perkara hiburan yang melalaikan; yang berakibat menyesatkan (dirinya dan orang ramai) dari agama Allah dengan tidak berdasarkan sebarang pengetahuan; dan ada pula orang yang menjadikan agama Allah itu sebagai ejek-ejekan; merekalah orang-orang yang akan beroleh azab yang menghinakan.*

Sidang Jumaat yang dirahmati Allah *Subhanahu wa Taala*,

Marilah kita bersama-sama mengambil peranan untuk mengawal penggunaan gajet di rumah. Ibu bapa perlu sentiasa memerhatikan kandungan yang boleh dilihat di internet. Terdapat beberapa aplikasi yang boleh digunakan bagi menapis kandungan yang merosakkan. Aplikasi dan games yang mempunyai unsur ganas dan lucah, perlu dipadam sama sekali. Kebebasan chatting dan menelusuri media sosial perlu dikawal.

Selain itu, anak-anak tidak boleh dibiarkan bersendirian apabila menggunakan gajet. Dunia tanpa sempadan mendedahkan mereka kepada pelbagai anasir yang negatif. Ibu bapa dicadangkan agar menentukan jadual penggunaan gajet di rumah, agar anak-anak tidak sentiasa melekat dengan gajet mereka. Hasil aktiviti ibadat di rumah seperti solat dan bacaan al-Quran berjemaah di rumah agar anak-anak tidak lalai. Sekiranya ada perubahan sikap anak-anak, atau tanda-tanda ketagihan gajet, maka dapatkanlah rawatan segera.

Dalam Sahih Bukhari, Nabi Muhammad *Sallallahu Alaihi wa Sallam* bersabda:

كُلُّ مَوْلُودٍ يُوَلَّدُ عَلَى الْفِطْرَةِ، فَأَبَوَاهُ يُهَوِّدَانِهِ أَوْ يُنَصِّرَانِهِ أَوْ يُمَجِّسَانِهِ

Yang bermaksud: *setiap anak dilahirkan dalam keadaan suci, ibu bapalah yang akan membentuk mereka sama ada mengikut perangai Yahudi, Nasrani atau Majusi.*

أَعُوذُ بِاللَّهِ مِنَ الشَّيْطَانِ الرَّجِيمِ

يَأْتِيهَا الَّذِينَ ءَامَنُوا قَوْمًا أَنفُسُهُمْ وَأَهْلِيكُمْ نَارًا وَقُودُهَا النَّاسُ وَالْحِجَارَةُ عَلَيْهَا مَلَائِكَةٌ

غَلَظٌ شَدَادٌ لَا يَعْصُونَ اللَّهَ مَا أَمَرَهُمْ وَيَفْعَلُونَ مَا يُؤْمَرُونَ ﴿٦﴾

بَارَكَ اللهُ لِي وَلَكُمْ فِي الْقُرْآنِ الْعَظِيمِ. وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ. وَتَقَبَّلَ اللهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا
وَأَسْتَغْفِرُ اللهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ فَاسْتَغْفِرُوهُ إِنَّهُ هُوَ الْغَفُورُ الرَّحِيمُ